

續修舒城縣志卷二十二

武備志

兵防 民壯巡警附

昔者聖人之強民也出事于戈入勤隴畝餉不費而氣常新講武之經實乎尚已我

朝以八旂定天下各省府州縣編定綠營領以提鎮鎮地方而備征調歲月浸久流弊滋多焉自嘉慶至今制兵裁去十之七八近議各省立常備軍原有綠營統改巡警警政行則州縣丁壯廢格不用况綠營乎哉爰次兵防附紀民壯巡警新設亦撮其大要云述武備志兵防

漢踵秦置材官於郡國漢書刑法志更郡尉名都尉漢書百官表又水

續修舒城縣志

卷二十二

武備志 兵防

一

泉用樓船廬江郡有樓船漢書地理志舒為郡治兵制未詳

唐府兵凡三百六十四所淮南道置府六唐書地理志舒屬淮南

道兵制未詳

宋諸州有廂軍有禁軍有民兵皆招募者當時知縣兼知鎮事以攝軍政文獻通考本邑兵制未詳

元各路鎮守曰萬戶府列為上中下三等上府軍七千之上

中府五千之上下府三千之上廬州為下萬戶府清文獻通考舒

屬廬州路兵制未詳

明初郡縣皆立衛所統之都司征調則統於諸將事平則散

歸衛所其取兵有從征有歸附有謫發軍皆世籍宣德中以

衛官職漕東南三卒始因其後祇以民壯備城守明史兵志

廬州衛立於郡縣不設兵

衛所之外郡縣有民壯宏治二年立僉民壯法州縣七八百里以上里僉五人五百里四三百里三百里以上二有司訓練遇警調發給以行糧而禁役占放買之弊富民不願則上直於官官自為募或稱機兵在巡檢司者稱弓兵明史兵志

國朝順治二年設六安營防守六安英山霍山撥把總一員駐

防本縣轄兵一百名馬戰兵八名步戰兵十二名守兵八十七名

年武職改給養廉銀兩裁各防汛並護送錢糧人犯其後歷

年添裁不詳同治元年軍興後復設弓箭鳥槍步戰守兵八

十名防州縣九年兩江總督奏請抽皖省額兵赴壽立營

訓練奉撥十七名仍轄兵六十三名步戰兵二名守兵五十八名壽州轄兵三名

續修舒城縣志

卷二十二

武備志 兵防

二

光緒十三年由守兵內改設馬戰兵七名二十二年奉裁馬

戰兵四名守兵十八名二十三年奉裁馬戰兵三名守兵十

五名現轄兵二十三名步戰兵二名守兵三十一名本官坐馬二匹

月支養廉俸薪餉乾等銀十二兩戰兵守兵月支餉乾銀九

錢三分米折銀三錢七分

六安營撥額外委一弁協防本縣額設戰馬一匹今裁並

裁綠營兵改巡警兵仿西制也

六安營撥哨官一弁協防本縣小河汛駐三河鎮同治初設

北路營房三所曰魚鱗橋汛曰黃泥坎汛曰舒王墩汛汛駐

兵五名

南路營房三所曰穰粃店汛曰堡墩汛曰大樹街汛汛駐兵

五名

北路烟墩七座曰魚鱗橋曰長塘埂曰三溝驛曰郎家橋曰黃泥坎曰長流河曰舒王墩

南路烟墩十座曰靈官殿曰糴粳店曰南港曰堡墩曰軍埠曰梅心驛曰三里灣曰大樹街曰山埠曰小關

以上南北路均從縣治起

本縣額設民壯五十名隨時操練備城守雍正十年奉裁十

四名乾隆五十二年奉裁六名現存民壯三十名於地丁俸

工項下歲支工食銀一百八十兩器具銀六十兩

巡警創自泰西日本倣而行之領以總監綜全國內政之樞

紐凡國中情游奸宄強橫盜竊及水火疾疫妨害於民者皆

司之其官非諳習警章殫心法政學者不與選下至兵士亦

通文理有學識者充焉蓋其慎也我

國光緒庚子拳匪事亟京津始設巡警績效不著由是

京師特立專部建巡警學堂聘東人之精是學者爲之師飭各

省府州縣次第舉辦一時學者奮起之東洋學警務者數千

人官長兵弁由此其選矣舒自庚子之變前邑侯蕭君仁丙

練鄉兵以資捍衛代者萬君祖恕倡建斌農學校仍留團額

五十名請於大府每田一頃捐錢千文得錢六千九百餘緡

以七成規學堂三成餉練卒壬寅錢君人龍知縣事遵檄改

巡警原有練額悉編警察軍以管帶練勇之邑人守備高魯

論爲之長事屬經始規制闕如近因費絀減至二十四名然

戢盜止爭謠市井而融外界藉藉人口亦足多焉方今

憲法修明亟謀地方自治警務推廣宇內同之我邑終有改良

之日是所望於茲斯土者